



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput XIV. Consectaria momentosa ex dictis capito præcedenti.

[urn:nbn:de:hbz:466:1-73187](#)

vocantur cum cæcis ducibus suis in præcipitum cadentes. Nec securi fuerunt, qui seculi sunt opiniones Bauniorum, Tamburinorum, Escobariorum, aliorumque ejusmodi Casuistarum, à quibus traditæ sunt tot propositiones ab Alexandro VII. Innocentio XI. & Alexandro VIII. ob nimiam laxitatem damnatae, velut ut minimum scandalosæ, & in praxi perniciose; tametsi earum Authores habiti sunt prudentes, docti & pii. Neque enim omnes qui habentur tales, securi sunt duces, præsertim in rebus commodum nostrum spæciantibus, in quibus verba ipsorum censenda non sunt verba Sapientum, dum cupiditatibus nostris blandiuntur, nisi certum profert ex germanis Ethices Christianæ fontibus fundamentum, ut suprà dixi, conformiter ad salutaria monita Bellarmini, venerabilis Bartholomæi a Martyribus, Joannis Sarisberiensis, S. Hieronymi, atque ipsiusmet Spiritus sancti Eccle. 12. Eumvero si secura fuisse laudatorum Casuistarum opiniones ante damnationem, eas Ecclesia non declarasset ut minimum scandalosæ, & in praxi perniciose; neque enim suâ declaratione fecit tales, sed monuit esse tales.

C A P U T XIV.

Consecularia momentosa ex dictis cap. precedentibus.

74 **E**X ibi dictis manifestè consequitur 1°. verum esse quod docet insignis Doctor ex Seraphico Ordine S. Francisci, Alphonsus à Castro l. 2. de potest. leg. pœn. c. 14. ad conscientiae securitatem non sufficere consilium peritorum illorum, de quibus fama est quoddaliis in rebus laxiore habent conscientiam, seu doctrinam. Et si multi tales concorditer de re aliqua senserint, non est propteræ illorum sententia securè suscipienda, si constet alios viros bonos perinde ac doctos contrarium sentire, etiamlihi pauciores sint numero quam alii. Securè proinde hodie nemo sequitur lascivientia ingenia, de quibus Alexander VII. in præfat. Decreti sui de 24. Sept. 1665. conqueritur, summam illam luxuriarium ingeniorum licentiam in dies magis excrescere, per quam in rebus ad salutem pertinentibus modus opinandi irrepit, alienus omnino ab Evangelica simplicitate, sanctorumque Patrum doctrina, & quem si pro recta regula fideles in praxi sequentur, ingens irreptura effet vita christiana corruptela.

75 2°. consilium ab iis potius Doctoribus sequendum, qui arctam divinæ Scripturæ, & sanctorum Patrum doctrinam sequuntur, quam qui laxam & inclinationibus nostris blandientem, sequitur ex primo consecratio, necnon ex hoc quod arctam esse viam, quæ ducit ad vitam, Veritas definierit Matth. 7. Ad quem locum Hieronymus & Anselmus observant, difficile esse non solum per hanc viam ambulare, sed & eam invenire, ob naturæ

nostræ corruptionem. Quæ difficultas vix ullæ foret, si secura esset blandientium Casuistarum doctrina. Sed istam securam non esse Salvator ibidem & Luc. 13. fatis innuit, dum declarat, paucos ex iis qui querant intrare (adæque ex fidelibus) in regnum cælorum intraturos. Non pauci vero ex fidelibus in regnum cælorum intrarent, si per arctam cæli viam ambularent, qui vitam dulciter transiunt secundum blandientem ejusmodi Casuistarum doctrinam.

3°. securiorem proinde esse directionem, 76 tutioraque & salubriora consilia stritorum, quam laxorum Doctorum. Tum quia verba ipsorum, utpote pungentia ut stimuli, verba sunt Sapientum, ut vidimus n. 70. Verique Doctores & Apostolici viri à Domino vocantur *sal terra* (quemadmodum enim *sal urit* & pungit; sic ipsi terrenos homines urunt & pungunt.) Tum quia licet utraque cavenda sit extremitas, & rigor scilicet & laxitas; majus tamen hodie periculum est à laxis, quam à ridigis Doctoribus, majorque fidelium multitudine peccat ob nimiam Confessariorum & Directorum indulgentiam, fallamque misericordiam, quam ob excessivum rigorem, ut demonstravimus Prolegom. 2. c. 15. n. 146. & seqq. & amplius demonstrabimus to. 3. l. 5. Unde venerabilis Petrus Cantor, celebrius Doctor & Cancellarius Parisiensis, Doctores illos qui se benignos vocant, Eunuchos & effeminatos appellat, eunuchizantes quod virile & robustum est in arcu Domini, contra quos invehitur (inquit) Isaías c. 3. dicens: *Dominius auferet a Hierusalem consiliarium, & prudentem eloqui mystici. Et dabo pueros principes eorum, & effeminati dominabuntur eis.* Et ista est ratio, propter quam V. Bartholomæus à Martyribus, cap. prædicti laudatus, eligendum monet, quod naturæ nostræ ac affectionibus magis molestum est, & magis adveratur. Et Joannes Sarisberiensis vult carceris præteri consilia sapientum in timore Domini, qui honorem Dei, sollicitamque proinde obtervantiam legis ipsius, commodis omnibus anteponunt.

4°. ignorantiam invincibilem excusabilem 77 que non esse in illis, qui cognoscenda veritatis voluntaria impedimenta habent ex parte intellectus, vel voluntatis: ex parte unique intellectus per studii defectum, vel inconsideratam præcipitatemque electionem opinionum, de seipsi præsumptionem, vel nimiam adhæsionem ad opiniones exceptas. Ex parte voluntatis, ex nimio earundem opinionum amore, non tam quia veræ sunt, quam quia commoda, quia scilicet secundum eas facile practicatur officium Confessarii, Judicis, &c. Ipsos namque voluntariæ excusat cupiditas & amor sui. Ob ea qua dixi num. 65. Ita etiam defectus frequenter provenit ex inordinato quo impelluntur amore suarum, vel sui Sodalitii opinionum, quo fit ut iis sic adhærescant, ut ne audire quidem velint eos, à quibus ad ve-

ritatem fortassis revocarentur. Ex qua inordinatione ulterius fit, quod levissimas rationes istis opinionibus faventes, ipsis videantur invictissimae; rationes vero in contrarium, licet demonstrativa, ne probabiles quidem ipsis videantur. Quod vitium hodie communissimum est.

78 5°. per ignorantiam nullatenus excusabiles esse Confessarios, Ecclesiasticos, & alios, qui libros illos legere refugunt, à quibus convinci metuant de obligatione agendi alterum quam ipsis agere placet. Quia ignorantia ipsorum pessima est, utpote affectata, quæ auger potius quam extenuet malitiam eorum, quæ contra suas faciunt obligations. Et idem est de iis, qui Confessarios, vel Concionatores, Moralem Evangelicam docentes, audire refugunt, nec audire volunt nisi loquentes placentia. Vel audiunt quidem docentes arcam cœli viam, sed unâ tantum aure, magis animo ipsis contradicendi, & enervandi quæ dicuntur, quam veritatem ab ipsis addiscendi. Ad enervandum vero & contradicendum hoc unico moventur argumento ridiculo: Si hoc esset verum, vel necessarium, multi damnarentur, pauci Confessarii munus suum obirent, nec ego Confessarii munus obire vellem.

Ridiculum voco argumentum istud. Quod enim multi, etiam ex fidelibus adulis, damnentur, pauci salvantur, Eloquia sacra, Patres, & meliores Theologi docent. Quod pauci etiam Confessarii munus suum recte obeant, hoc est quod Sancti & magni viri deplorant. Quid est enim quod de tanto numero pœnitentium tam exiguum emendationem videamus in iis qui tones, & tam multis ab hinc annis pœnitentia Sacramentum frequentarunt, nisi quia Confessarii nimis molliter & negligenter suum munus obeant, ait S. Carolus Borromæus Instruct. Pastor. p. 2. c. 1. Quid est quod Ecclesiam hodie perdit, nisi Confessariorum & Pastorum blandiens adulatio? ait S. Thomas Villanova conc. in fer. 6. post Domin. I. Quadragesima. Idem contestantur S. Franciscus Salesius Constitut. Synodal. tit. 9. c. 5. Eminentissimus Cardinalis le Camus (ob vitæ sanctorum ab Innoc. XI. ad Purpuram elevatus) in Decret. suis Synodal. tit. 6. c. 6. sect. 2. Eminentissimus Cardinalis Bellarminus conc. 8. in Dom. IV. Advent. Eminentissimus Cardinalis Fredericus Borromæus, fandi Caroli Borromæi Patrialis & imitator, ejusdemque in Archiepiscopatu Mediolanensi post aliquot annos successor, volum. 3. all. adunanza de Confessori ragionamento 4. aiens multos Confessarios sequi auram popularem, & famam celebritatem, & ideo plurimos ex ipsis perire, qui corpus suum jejuniis & flagellis castigant, qui per dies & noctes cantandis Dei laudibus intenti sunt, &c. quia confitentibus manum nimis inconsideratè imponentes, peccatis alienis communicant, eorumque se fœtoribus fecundant, multisque causa sunt damnationis æ-

Tom. I.

ternæ, & ideo cum eis ipsis pereunt.

Cum igitur Magnus ille vir Antonius Godæus, 79 Vicensis Episcopus, in Historia sua Ecclesiastica, ad annum... dicit majorem Confessariorum partem ab Evangelico rigore, sacerdotalique vigore in nimiam molliorem deficeret: quia majori ex parte minimè respiciunt ad veram Dei gloriam, nec ad regulas Evangelii, nec ad Sanctorum exempla, nec ad proximi detrimentum, ut merito dicere possimus cum Psalmista: *Salvum me fac Deus, quoniam defecit sanctus, & diminuta sunt veritates à filiis hominum.* Atque hac una est ratio propter quam Chrysostomus homil. 3. in Acta dicebat: *Non arbitror inter Sacerdotes multos esse qui salvi sunt, sed multi plures qui pereant.* Et Augustinus epist. 21. Edit. noviss. Paris. difficile, laboriosumque Sacerdotis officium agnoscebat, eo modo peractum quo Deus jubet. Verba ipsius sunt: *Nihil est in hac vita, & maximè hoc tempore, facilius, & latius, & hominibus acceptabilius, Episcopi, aut Presbyteri officio, si perfunditorie atque adulatoriæ res agatur; sed nihil apud Deum miseriū, & tristius, & damnabilius.* Item, nihil esse in hac vita, & maximè hoc tempore, difficultius, laboriosius, periculosius, Episcopi, aut Presbyteri... officio; sed apud Deum, nihil beatius, si eo modo militetur, quo nosker Imperator jubet. Propterea à Valerio Episcopo, Ordinatore suo, flagitavit, ut pateretur ipsum in secessu precibus & studio hoc agere, ut se idoneum redideret, qui populo ministraret Sacramentum & verbum Dei.

Hinc arguuntur sui amantes esse, nec tam 80 Dei gloriam, animarumque salutem, quam seipso querere, qui dicunt: *Confessarii munus obire non vellem, si sic obeundum esset ut Sancti docent, secundum rigorem unique Evangelicum.* Hoc enim non dicunt, nisi ob difficultatem sic illud obeundi. Quæ cum inseparabiliter annexa sit officio fideleriter peracto (ars enim artium est regimen, & judicium animarum, nec sine caelesti lumine, magnâque charitate, prudentiâ & animi fortitudine potest quis jura Dei ita tueri, ut hominum infirmitatem non opprimat; nec sic hominum imbecillitatē obsequi, ut in jura Dei non pecet; estque periculum non parvum, ne Sacerdotes, dum ignorantes docere volunt, causas cœco ducatum præfert; vel dum lapsos conantur erigere, ipsis collabuntur; ne denique perniciose obsequio vulnus benignâ obrectantes manu, agritudo foveant, sequi ipsis vulnerent, ait piissimus Contensonius to. 9. disserr. un. c. 2. (pecul. 3.) officium illud ad Dei gloriam animarumque salutem obire refugunt ut oportet, ob difficultatem, difficultatem vero istam non refugunt ex charitate (quæ omnia suffert) igitur ex cupiditate, seu amore sui, & defectu fortitudinis animi; quâ quod destituantur, inde est (ait Eminentissimus Cardinalis Denhoffius Instruct. Pastor. §. 2. n. 6.) quod cupiant hominibus PPP 2

placere; quæ cupiditas si ex animis Ministrorum Ecclesiæ eradicari posset, mundus protinus (ut B. Joanni Chrysostomo vñsum est) à virtutis esset emundatus. Tolle (ait sanctus ille Doctor homil. 43. op. imperf. in Matth.) hoc vitium à Clero, ne velint hominibus placere, & omnia vita resecurantur.

81 Aliunt quidem isti, se non refugere difficultatem, in iis quæ practicabilia sunt: at modum illum, quem Sancti & quidam Theologi docent, videri impracticabilem.

At quibus videtur impracticabilis, nisi iis qui hominibus queruntur placere: Videant ergo ipsi, ne mentiantur iniqüitas sibi. Non enim impracticabilis esse potest modus, qui (teste Eminentissimo Cardinali Aguirio) inhæret non modò Conciliis, Canonibus, & Patribus, non solum gravissimis Cardinalibus, Episcopis, & Theologis horum temporum, sed etiam rationi manifestæ, fundatæ in doctrina fidei, & experientia frequenti; maximoque cum fructu practicatu à millenis millenisque Parochis, Confessariisque, etiam sanctissimis, sapientissimisque, uti testantur Episcopi complures, atque cum ipsis duo celebres è Societate Theologi, Paulus Segneri, nuper Theologus Pontificius (qui majori parte vitæ per totam Italiana Missionarius fuit) in Instructione Confessoriorum c. 4. & in Instructione Pœnitentis c. 9. & Emericus de Bonis, qui ab annis plusquam centum in tract. de Sacram. Altaris, posteaquam dixit, quod illi qui habitum peccati contraxerunt, nonnisi magno nisu, magnâque animi contentione excitare in se salutiferum peccatorum dolorem valent, idèque necesse sit, ut subeant (post exposita expansaque flagitia) pœnarum & laborum genera quibus sentiant, doleant, & detestentur præteritas culpas: quod quia ab illis non exigitur, citò suum vomitum reforcent. Post hæc (inquam) statim subjungit: „Multi Confessarii più prudentesque tentantur, innumeros homines, qui peccatis priùs obstricti erant, quod eam rationem tenuissent, dilatâ, que absolutione sepiùs ad tribunal pœnitentiae, ut animi statum identidem aperirent, illis redire jussissent, imposita interim delictorum pœna, pristinos mores in melius mutavisse, & magno gaudio, magnoque deinceps in virtute progressu, infandam peccati consuetudinem abiecisse.

82 Et quomodo impracticabilis asseritur doctrina de absolutione consuetudinariis, & quibusdam aliis magnis peccatoribus differenda, donec aliquanto tempore per dignos pœnitentias fructus, seu pœnalia pœnitentiae opera, pro vera conversione impetranda, pulsarint ad fores divinæ misericordiæ, cum opera quæ ad hoc ipsis à zelosis Confessariis injunguntur, nec secundum durationem temporis, nec secundum acerbitudinem.... aequaliter ne centesimam quidem partem ejus pœnitentia, quam veteres canones ante absolutionem exigebant? uti observat Eminensiss. Card. Agurius dissert. 8. in can. xi. &

xii. Concilii Tolet. III. excusfu r. n. 159.

Nulla itaque ea in re vel umbra impracticabilitatis; sed ipsius allegatio argumentum est animi seipsum querentis, à sacerdotalique vi-gore deficientis. Nec enim eam allegant, nisi qui *qua sua sunt querunt, non qua Jesu Christi.*

6°. inexcusabiles tandem esse, qui sine debita facti informatione id agunt, quod sine competente veritatis notitia agere periculosum est. Quia ipsis temeritas accusatur. Sic hinc temporibus graviter culpabiles sunt, qui nimis leviter credendo aliis, viros pios, & innocentes traducunt, ut hypocritas, hæreticos, Novatores, Janiferistas, Rigoristas, &c. Vitium istud hodie communissimum est, propter quoddam importunos obtrectatores, qui argumentis destituti, quovis suis mollioribus opinionibus contradicentes, etiam sanctissimos, sapientissimosque, quinque famosas propositiones cum Ecclesia sincere detestantes, abjecto Dei timore, spargunt esse tales. Quasi non scriptum sit: *Maledici regnum Dei non possidebunt.* Sed va illis, cum venerit Dominus rationem ponere cum servis suis!

C A P U T X V .

Invincibilis ignorantia Dei non datur in adul-tis ratione utentibus; uti nec juris naturalis quoad universalia principia illius; nec quoad Decalogi præcepta; nec malitia peccatorum carnis, v. g. fornicationis, mollisiet, &c. ab ullo ejusmodi adulto censenda est inculpa-tè ignorari.

§. I.

De ignorantia Dei.

Invincibilem Dei ignorantiam à Sanctis non agnoscit, perspicue ostendimus to. 1. de Deo dist. 2. a. 4. n. 84. Et idè eos merito torqueri qui Deum nesciunt, ut impios, ut injūios, nisi profanis nemo deliberat, cum Parentem omnium, & omnium Dominum, non minoris sceleris sit ignorare, quam ledere, ait Minutius Felix in octavo.

Hinc divina Scriptura generaliter & indistinctè culpat homines, in quibus Dei cognitio non est. Sap. 13. *Vani sunt omnes homines, in quibus non subest scientia Dei.* Quia, ut Apostolus Rom. 1. dicit, *invisibilis Dei, à creatura mundi, per ea quæ facta sunt, intellecta, conspicuntur: semper quaque ejus virtus & divinitas: ita ut sint inexcusabiles.* Illa quippe ignorantia ipsorum provenit ex natura ipsorum nimirum depravata, ut Augustinus docet tr. 16. in Joan. *Exceptis paucis, in quibus natura nimirum depravata est, universum genus humanum Deum hujus mundi fateatur Autorem.* Videri etiam potest serm. 1. de verb. Dom. Deum verum plures quidem ignoraverunt ante adventum Domini, quando singulariter notus erat in *Judea Deus;* sed eos venia indigne Sapiens pronuntiat Prov. 13.